

Obavijest o realizaciji Programa sufinansiranja zapošljavanja Posao za sve 2025./2026.

Obavještavamo poslodavce da se od **11.08.2025.godine** mogu prijaviti na Program sufinansiranja zapošljavanja Posao za sve 2025./2026.

Javni poziv će biti otvoren do utroška sredstava. Prijave će se zaprimati u vremenu od 08:00 do 15:00 sati.

Prijave za učešće na navedeni Program vrše se dostavljanjem dokumentacije na protokole biroa rada prema sjedištu djelatnosti poslodavca.

Poslodavci su u obavezi prilikom podnošenja prijave dostaviti sljedeću dokumentaciju:

- Obrazac prijave (potpisan i ovjeren od strane ovlaštene osobe)
- Uvjerenje Porezne uprave FBiH o izmirenim porezima i doprinosima ne starije od mjesec dana od dana podnošenja Obrasca prijave ili Sporazum s Poreznom upravom FBiH o izmirenju duga po osnovu poreza i doprinosa; Organi uprave i druge institucije koje posluju preko trezora, umjesto Uvjerenja Porezne uprave, dostavljaju dokaz da posluju trezorski
- Dokaz o glavnom računu (karton deponovanih potpisa, ugovor o tekućem računu sa bankom ili potvrda o računu).

Prijave na Program se evidentiraju u realnom vremenu, po datumu i vremenu zaprimanja. Sve prijave će, u skladu sa

pravilima Programa, biti provjerene.

Služba će na svojoj web stranici postaviti informaciju o prispjelim prijavama poslodavaca sa statusom „odobrene“ i „na čekanju“. Odmah nakon uspješne kontrole ispunjavanja uslova iz Javnog poziva, Služba će obavijestiti poslodavca o narednim koracima. Poslodavac može, na vlastitu odgovornost, zaposliti osobu iz ciljne grupe odmah nakon prijave na Javni poziv ili nakon što ga Služba obavijesti da mu je poticaj odobren, a najkasnije u roku od 15 dana od dana odobravanja poticaja.

Prednost u zapošljavanju će se dati posebnim grupama iz tačke 3. Programa. Ukoliko se poslodavac opredijeli za zapošljavanje osobe koja pripada posebnim grupama iz tačke 3. Programa obavezan je zaposliti takvu osobu. U suprotnom, prijava mu neće biti uzeta u razmatranje. Ukoliko osoba ne pripada posebnim grupama iz tačke 3. Programa, ciljna grupa su osobe prijavljene na evidenciju nezaposlenih na području ZDK najmanje dan prije objave Javnog poziva, bez obzira na radno iskustvo, spol, dob i stepen obrazovanja.

Linkovi Programa i Obrazac prijave dostupni su u nastavku:

Program sufinansiranja zapošljavanja Posao za sve 2025./2026.

Obrazac prijave